

禮儀志

三王不襲禮言制度之遞新也古今異宜質文殊尙在損益以適於時而已而綱舉目張殊事合敬揆之皆莫能變卽事以代易而大法常昭焉其在官司之守者曰禮儀試以建保邦國之意推之有以天制以地制以人制制乎天者天以時行正月朔旦首時也設亭幔於明倫堂官員待漏而興朝服拜賀慶履新也冬至履長禮如之盛德在木迎春東郊論衡云立土人土牛順陽氣也土牛芒神視年月日時造必如法前一日以勾芒入位之縣儀門西向至

連江縣志

卷之十一

禮儀

一

日具公服四拜行鞭春禮其土功之始乎霜始降天地肅於是而祭旗燾之禮軍營演習東教塲戎備咸飭亦云肅矣古者日薄蝕伐鼓用幣供百役者咸馳走罔迷於天象而月食則春秋不書今制日月皆有救考周禮鼓人職云救日月則詔王鼓豈陰陽不可偏勝其道均歟制乎地者縣邑古諸侯國也建國必立壇壝社爲土神其色如其方穀之神爲稷古以癸未日祀稷於西南水勝火爲金相也洪武七年始以春秋二仲戊日祭之蓋重土也已日祭邑內山川並祭風雲雷雨及邑之城隍皆於南壇按唐書立





春後丑日記觀師於國東北立夏後申日記雨師於國之南義各有取也今並祭於山川之壇其儀稍殺矣或曰興雲出雨必自山川則其合之也亦宜城隍之祀漢唐以後皆頒爲典其司一方之命爲生民主者耶昔李陽冰禱雨而應卽持正如卓敬尚以照管屬之則禮烏可忽諸祭附於壇邑中復有廟宰每月朔望必詣拜有水旱則率僚屬紳士耆老齋戒致禱修祭崇之禮焉北郊之壇一曰先農每歲季春擇日致祭大農功也一曰邑厲歲之祭三而仍主以城隍泰厲公厲古皆有祭茲亦其意乎制乎人者以

連江縣志

卷之十一

禮儀

二

王者爲尊

萬壽聖節慶賀如正旦冬至禮 詔書至文武官員備儀仗出西郊肅迎行至明倫堂拜跪開讀宣王言達渙汗也 隄濇愚氓方傾耳以聽敢隕越於下乎孔子人道之極也 春秋二仲省牲釋奠大合樂以告虔儀毋得褻洪武初設樂舞百餘人康熙中復設今諸生厠名而已關壯繆之祭用王者之禮與先師並春秋及五月十三日牛羊贄幣視二丁禮莫隆焉前此未之聞也天妃則以功祀薄海內外莫敢不飭亦一時特典焉東湖六賢祠水利攸關兌峰英



顯廟邑治所主也故凡有祭獻官必親之月朔則講鄉約  
讀 聖諭其木鐸徇路之意歟鄉飲之禮崇高年教孝也  
重有德敬也犯亂泯風俗淳道在斯乎張禮圖明倫堂  
賓坐堂之西東南向价次於賓東向主坐於堂之前北向  
行讀律誥禮畢歌詩飲酒起謝 恩復升堂主賓交拜行  
酬酢禮畢送至門外主人乃返禮蓋繁而不殺焉今特具  
文矣此禮儀之畧有可志者也夫禮有本有文儀者禮之  
文也文以代更古之所行及今有不得仍其舊者矣然在  
今之制執物猶存凡達乎鄉邦偕之臣庶亦多斟酌舊章  
連江縣志

卷之十一

禮儀

三

道無違謬原其大要莫不順天之序因地之宜立人之幹  
聲明數紀秉之皆經而傳之皆憲也孰謂是儀也非禮乎  
哉



廟學志

學者學也將學爲人子焉學爲人弟焉學爲人臣焉正其義夫婦可使其知究其功聖賢莫之能外王者建國所以化民成俗道無先此故在天子曰辟雍在諸侯曰泮宮皆以萃人材而教之而先聖先師又卽學所其宗而立之極者也皮弁祭菜示以敬道爲教之所由端非是殆謂河不先海而車之無在馬前也其奚能淑耶且夫立教之方其載諸經者可考也天子親釋奠於學三代以後間有行之者唐武德二年始以孔子爲先聖立廟太學而罷元聖周

連江縣志

卷之十一

廟學

四

公祀其典可謂隆矣然自唐以前成均有學郡邑無學而膠庠之設將謂周禮繁瑣而並刪之耶貞觀四年始詔郡縣立學抑猶未遍也宋慶曆四年復詔郡縣立學一時教授諸儒設經義治事齋者有之設吏師禮賢齋者有之士之沐其教者學業皆有足觀未可謂蝓蟻投土而半臂之力無補於學山也若連之學舊志序載宋嘉祐元年縣令朱定始建則前此之未置學可知考其地在縣治前之東今之城隍廟及陳家宅其故址也

邑人周希孟建學記云世之從政者能脩已奉法辨訟之枉直其政善也矧建美利革永弊恢崇聖人之道以範於俗宜其流名無疆世世不忘其德也縉雲朱君



定嘉祐丙申爲連江令理淹獄正役版示威以肅奸盜孚  
恩以恤困窮吏畏其明民樂其惠廼疏東湖故塘脩水門  
瀦防以時蓄洩凡溉田二千五百餘頃復導前山玉花塘  
於臨江崇賢二里因谿爲波開圳以均水利二歲旱災稼  
穡豐衍渠濬達故也往來病涉造石而梁之徑道危阻除  
闢而樹之壇壝傾圮封崇而祭之病尙巫覡多夭其生乃  
宜醫而躋於壽又崇建學官申嚴夫子殿以顏淵曾參而  
下十人配享七十二弟子及傳經左氏公穀孟荀韓楊王  
通之徒從祀以闡之文物始於常袞歐陽詹亦圖於壁可  
瞻可像講堂列齋崇門周廡經史嚴整庖井豐潔以崇師  
儒以隆教化學成邑人士以令之績請紀其實噫今之宰  
邑者三載而代狗身之便以圖遷榮何暇興公利崇名教  
哉朱君蒞邑未踰朞月興事建功何其多耶子樂其廟之  
成而言曰世之浮屠氏其徒乃能崇其師之宮日會其民  
論其師之法而講習其書故闡之俗無老幼賢不肖皆知  
浮屠之道而奉承之蓋由其徒能崇之也仲尼之道百王  
大中之法修身正家治國經天下一日舍是則亂郡守縣  
令日用其道乃不能敦尙其術漸於泯沒其不及浮屠氏

### 連江縣志

### 卷之十一

廟學

五

之徒遠矣今連之學旣成曰令曰尉歲時率士人行釋奠  
習鄉射飲酒養老冠婚喪祭之禮於其中每歲正月及孟  
月之吉屬民讀法教之孝友睦婣任恤之行延師弟子講  
肄詩書易春秋禮之經民生其間咸知治世皇極之道觀  
禮樂文物之盛而日遷善遠  
或曰其地卑濕弗寧居也紹

興七年移於縣之東南面東兼建繙經閣駕說堂富文能  
信移孝懷忠齋則縣令林覺始其事邑人林日華陳元禮

林庇林錚輸萬緡以助之也

邑人李彌遜移學記云晉安  
居海南服視中州爲支郡連

江又居郡之隅予之先實家焉自三世祖出居越百年餘  
而歸始至往拜於學顧瞻基宇卑隘歲以大浸土穿木支  
跪輿訖降趨而出懼將壓焉因喟然曰人之窮達命也物  
之屈伸時也事之興廢成敗相循無窮抑有數存焉古者  
國有學黨有庠術有序在泮之盛頌於魯僖而後世至城  
闕之嘆豈人力之所能致乎國家慶曆三年始詔天下立



學繼承緝熙至於大備爰有軍旅之興天下靡然賤者荷  
戈貴者橫槊俎豆之事闕然不講雖通都大邑僅有名存  
况於遐方遠服者乎茲縣小而地偏政久不理蠹弊百結  
牢不可破異時有令而才如治紛如雕朽能起民瘼屏吏  
奸已足稱良奚暇議此哉紹興戊午予宦中朝友人林日  
華以書見貽曰幸哉吾邑之令尹也不簡不苛不溺於近  
事之叢勝者剔決之弊之盤結者芟夷之居三月邑以大  
治憫舊學宮之廢將改爲焉爰卜於衆得東南爽塏之地  
背長汀而面雲居前案三山符古語蝴蝶水中之識日華  
率諸鄉老陳元禮林庇林鏞之徒得緡錢萬有奇以代公  
家之費告於尹尹喜以十一年丁未既經營之矣越明年  
秋七月學成以圖來求爲記視其基高以固度其宇深以  
崇重門修飾巍殿中峙駕說有堂繙經有閣居有齋休有  
亭繚以周牆蔭以嘉樹弘壯之規煥然在目嗚呼事之廢  
興成壞信有數焉然非尹之力能及是乎此其所以惠此  
百里之士也士宜何以報尹也予聞學者所以求其在我  
者而已大學之道以正心誠意爲本至見於事業發於文  
章用則施及天下不用則藏諸身猶足以垂訓於後世亦

連江縣志

卷之十一

廟學

六

惟此而已去古已遠聖人之道不得其傳士知尊記問之  
師而不知學其所當學玩歲愒日盡心於雕蟲犖悅之習  
以爲干祿計幸而得之則曰此儒者之效絕學可矣豈不  
大惑哉今邑士之遊息周旋於黌宇之下皆誦詩讀書參  
考百家六藝之說以求其所當學異時躡賢科登膺仕見  
於有得以聖賢爲師而不爲世儒之陋則不負於尹矣可  
不勉乎噫學校王政之本也視其廢興治之所係焉予之  
出守也自北而南至延平延平之學成至溫陵溫陵之學  
成至漳漳之士子有移學之請予從而移之今連邑也亦  
以學成來告會建言者謂當修文廟請增葺天下郡邑學  
舍朝廷從之子喜斯文之未墜王道之復行也故因以爲  
記而書之令尹者括蒼林覺也記之者邑人李彌遜也紹  
興十年六月 又曰孔子之祀以王者禮今廟東向不如制  
十一日撰

淳熙八年鄭鑑言之知縣蘇懋是其議改南向其時所建  
立者繪從祀於兩廡列名宦鄉賢祠殿後爲正德堂堂後



稽古閣由智居仁師聖齋列於東教忠達和立義齋列於西裒德以育宗英輔德以肄武業齋室射圃器用俱備相其役者主學陳厚宗完其工於後者知縣趙不憊許錫也

邑人林忭學向南記云縣治之東舊有黌舍堂庭卑陋淫潦時至學子弗寧厥居紹興戊午邑大夫始擇近郊爽塏之地而遷之碑識具存歲月可考也然去卑陋近爽塏固爲美觀而一時惑於陰陽家之說東其向非王禮也淳熙壬寅令尹蘇懋遂以諸生所請卽故址而改築焉重廊對廡高堂傑閣爲屋九十二楹而巍殿中峙西南之位旣正而配享從祀各以其序規模益宏也先是邑人翁然輸財以贍用故役不淹時棟宇之成十幾七八而歲荐不登施者不以時入趙侯不憊乃佐以公帑之贏旣施丹堊復翼堂而爲齋學之所向蔽於民居之廬予其直而徙之他事未遑也迨許侯錫下車以來懼人情慢弛功弗及竟首捐俸金愧其不如約者而僚寀實贊其謀職於學者庀事惟

連江縣志

卷之十一

廟學

七

謹自堂之後中創齋室三間位長論於其旁東西具膳爨之所蓋無慮數百椽環學而墉且四十餘雉其西則射圃存焉向之所未備者無或不舉而又申嚴學令以仰承朝廷崇化勵賢至意方領矩步委蛇乎中者彬彬也於是鄉之人士相與屬忭記其實乃爲之言曰作事難於始尤難於終爲山九仞功虧一簣鑿井而不及泉猶爲廢井天下事亦要其成而已庠序之事若緩而實急者也世之俗吏一切用力於簿書期會之間其關風教之大者漠然若非已之當任惟持教之君子則異於是可不謂之賢乎哉由吾邑偕計吏躡儒科者視昔有加夫豈無自而然自今名公偉人由此途雜選而出也必矣子之武城聞弦歌之聲曰君子學道則愛人今侯之爲邑以儒雅飭吏事以愷悌父母斯民非知道者乎又將其所以愛人者教人爾學者親薰而炙之信能率是而造乎自得之域異時抒其所蘊爲天下用必有卓然可觀者故併述

嗣是而修繕之者在

紹熙元年則有知縣傅伯成

邑人陳舜申學校教養記云縣有學仍舊址而新之易東



而南以王禮崇先聖宜也惟更造廣拓工役繁費由經始至訖工凡三載令尹邑人亦幸其粗集相與鉞文於梓以侈其觀喜故也堂廳殿宇廊廡寢室與諸生所居所習之地凡易置創建者蹟可槩見迨諦視環省則墉址而未塗門設而未屏瓦不巧而漏庭不砌而蕪泉不井而用莫汲祭雖有器而未備禮雖有儀而非古講雖有堂而席不設謂非闕典可乎歲在戊申令尹傅侯伯成實來首謁學廟卽訪所以然者咸進職事諸生而告之曰幼學壯行焉敢忘本學校吾道光隆所係有一不備君子恥之因陋就簡予豈卽安焉乃慨然朝夕究念謀畢斯事甫及期月則雉垣鞏瓦明除清甃犧象駢列矩獲森嚴塞門正坐莫不巋然可瞻可敬前日之陋者新庫者崇亡者存缺者興媮惰者竦飭所謂闕典往往悉舉士皆躍如而侯之志且不止此謂學有生員而教養無方令尹責也向也養士之費取足於臨時而多乏絕侯則爲之田數百畝以植其糧向也較士之名出於文具而多濫漫侯則爲之書數百帙以資其業向者課試屬僚佐間不時舉侯則躬講閱之勞而無愆期向之食於學者率不過十數輩且數月而止侯則

連江縣志

卷之十一

廟學

八

增至二十員輟餘金以加其廩作成之效日益月長皆前此所未有者賢業久大蓋此可卜成將及瓜舜申適以文會滯泉南里之父執林君貽書請記其事舜申告諸門人曰予居邑日與傅侯語及政事志頗契合見其宅心行已每厚於實而廉於名鄉人欲大書其美恐非所樂門人曰侯之謙抑於名雖不居而士之被教惠者烏可沒其實先生宜無辭廼筆之云易之澤上有地其卦曰臨聖人象之以君子教思無窮容保民無疆傅侯教思之澤正出諸此也又聞古聖賢之學惟明善誠身悅親信友以至獲於上治乎民蓋一道矣侯實踐之使吾邑之士能體是而博學明辨慎思力行則由身而家而國而天下所謂無窮之思容保之功他日當不負於侯矣舍是非吾所望紹熙辛亥

四月吉日

在元之皇慶二年則有縣尹夾谷德明教諭徐復

教諭

黃仲文記云皇元受天明命萬國同文列聖相承顯崇學校至大初祀太牢於闕里加大成尊號天下始知向學今天子大興文治遣使四方求書寵光成均舉遊京之俊秀佐國子修業優以祿秩有差勅臺憲敦化勸學所在郡縣



養老育才儒服不役於官蓋將循鄒魯而變唐虞丕開皇  
慶之鴻烈也聞昔號多士兵燹將四十載郡邑尚政刑而  
不言教化學官論錢穀而不言詩書遂使俎豆弗虔游歌  
無所連校其一也檟棟撓剝几帳黯昧鳳池佳話竟成陳  
迹有司朔望默默拜苔地而去自令夾谷德明視縣事則  
曰尊孔道興文教君命也教官任爲之由是建安徐君復  
得肆力繕修積二年而廟學新租廩增祀禮豐生徒衆學  
南之燕居內外亦完飾凡所用學帑不足悉繼以俸羣士  
既樂成乃合辭曰是令尹之志教師之力請立石紀善以  
勸來者予思魯侯修泮有頌子產興校有頌子雖不文義  
不得辭因歌其勤以示久遠詩曰海濱連江厥惟大邑於  
時衣冠在泮雲集兵興教弛官淪士惰令尹夾谷學道爲  
邦徐君成之以次具舉侯泮侯修矧是帝命興頹補弊曷  
敢不敬神有祠安經有閣儲其南鳳池堂有燕居扁曰會  
文亦丹亦堊闌楯曲折垣壁繚繞中植花卉以觀物意旁  
引溝渠以疏潦水靡器不備靡宇不完搥發隱租于海于  
山神乃豐祀土乃樂育衿佩來慶曰徐之力徐不自居曰  
尹之德尹曰丕哉天子仁孝小臣承詔祇播之教師道如

連江縣志

卷之十一

廟學

九

日君德如天勒詩於石以垂萬年

延祐七年則有縣尹馬合謀至天曆戊

辰成和又從而闢之廓如也

教諭林坤光記云廟學創始於宋紹興戊午迄今幾二百

載堅日以腐完日以缺前後修飾潤色不知其幾皇元受  
命敦崇孔道大德加封大成州縣學咸立石以紀聖德於  
乎盛哉泰定丙寅春肅政廉訪司僉憲馬公益來按部朱  
墨未遑首謁文廟顧瞻殿宇迫隘配享從祀以像設立前  
後相摩大以爲非遂命拓而廣之時學帑儲無贏舉者難  
焉越明年春余職教思繼前志而力未逮天曆戊辰三月  
邑尹成侯和蒞事以興起學校爲已任舍菜之日亦既見  
止議與馬公意合學者老具道所以然侯慨然曰是尙可  
已乎不勇爲之非惟無以稱上意亦非所以崇聖道也乃  
首捐已俸以倡諸儒俾咸助之厥費旣多廼量所入盡取  
其羨以益用備工市材擇諸生謹厚廉幹者董其役拓殿  
之前楹而闢焉廣昔三之一由是四配之享得以位乎內  
十從祀得以列於前春秋朔望籩豆簋簠秩乎其有序周  
旋進退廓乎其有容也舊殿惟一門旁疏二牖深簷後覆



幽乎如屋漏然今則易以八牕光明洞達丹繪聖黝煥然一新百有餘年安於苟且而莫之易者一旦得以嘉成皆侯之勇於有爲也昔子路以勇爲之才治蒲夫子三稱其善侯其庶幾焉邑士咸曰是不可以不記坤光何能爲役底績於成皆侯之力也竊思韓昌黎記夫子廟以爲天下通祀惟孔子與社稷終不若孔子用王者事巍巍堂座以門人配其論孔子之德至矣然又美鄴侯能新廟學知爲政之先後且作詩歌之愚不敏敢援昌黎之歌鄴侯者而美我侯乃作詩曰惟大成殿素王之廬昔隘而迫今廣而舒巍巍像設儼如秩如大法以存神安其居因舊而新不儉不侈有儼其堂以享以祀爰作歌  
詩用贊攸始俾後之人毋忘厥美  
至正二十一年平章

燕赤不花與秘書監鄉貢師泰等於大成殿東西廡則葺之於戟門櫺星門則新之進德堂則易以明倫尊道堂則更爲道統爲之記者朝散大夫揭法也言乎變遷自是以

### 連江縣志

### 卷之十一

### 廟學

十

後益煩僕數矣

揭法興學記云至正二十一年江淞行省平章燕赤不花奉旨移鎮闕省明年夏赴

治所賽甫丁挺其黨爲惡撓政蠹民積有年矣公諭之使去不從阻兵拒守公遂駐連江縣發諸郡兵逐之一日至縣學卑陋頽壞公慨然曰此王政之本風化之原不可一日而廢者欲大興造乃捐已俸爲倡秘書鄉貢師泰員外郎栢鐵時爾都事乃穆泰咸贊之遂以五月始工自大成殿而南東西廡戟門櫺星門自明倫堂而北稽古閣尊道堂鄉賢祠以至齋舍學宮之門廩庖湍或撤其舊而新之或仍其舊而修之或舊無而今創之腐撓者易之漫漶者鮮之缺弛者完之由是煥然而有輝翼然而有序可以嚴祭禮可以盛威儀可以聳觀瞻可以崇講肄賽甫丁旣殲夷公乃一新庶政綱目張舉廢墜興理汀州之曹據其城古田之朱據其縣凡踰十年皆一旦授首將帥之力固不可少而謂公知制治之本實有以致之也蓋上下不能相維大小不能相資內外不能相應未有能弘濟艱難嘉靖邦國者而以相維相資相應之道孰能外於聖人之教哉學興而教舉教舉而化行近者說遠者來則兵可以戢



而武可以偃矣公當捨攘之際而以興學爲務遠矣哉其用心也宜夫其效之速也然則藏修息游於其間者可不思以副公之心而求其無愧聖人之徒耶董是役者淞江朱文峴屬貢課章克盡其宜蓋從事之賢者連之士請記其事遂爲書焉

洪武初併由智居仁爲育德齋教忠立義爲勸學齋改師聖爲會膳堂達和爲會文堂其新於戟門之外者宰牲房闢於堂之西者射圃立於圃之南者觀德亭惟縣丞商準實肩厥任後知縣歐陽瀚教官吳嗣善馬子驥相

繼修建至隆慶乙巳以勸輸重葺之者知縣朱應辰也

邑宰

張賢記云連之文廟歲久圯壞隆慶乙巳前令抑齋朱公始勸民輸工簡者民等董其事規制視昔加宏連人方議紀績而未就誠缺典也茲邑博萬安郭君四會楊君海陽洪君率諸生造余請曰朱公建文廟蓋有功於吾道者先

### 連江縣志

#### 卷之十一

廟學

十一

生蒞政百廢悉舉惟茲未有記願一言以垂後余曰奚以余言爲哉公之功自有公之言在也聞君之將新縣廳也曰禮營宮室必先祠堂重本也今文廟圯而官帑且乏余將有事於是願輸工者聽未旬月而輸者畢至由是請之當道報曰可三閱月而告成進諸生論之曰新文廟有司責也新德業爾多士責也古者十五入大學非若今之入爲弟子員也蓋入以學古之道也今廟貌幸已新矣諸生毋以今之士自待其亦務新以古人之學歟夫公始以義率連之民而終以道教連之士則公之在連豈獨於文廟已哉今諸君均有斯道之責者尙繹革鼎之旨湯盤周誥之義裨益德業則公之教庶其不泯又奚以余言爲哉公宰連三載善議論喜制作如建邑堂課農桑表節義俱卓卓可述茲所記者特學校云耳公諱應辰字拱卿號抑齋台州黃巖人邑人孫日章孫孔葆陳泓黃岱陳瀚陳秉諤趙琦趙璉趙廷芝鄭敏求林嘉茂吳廷輔於茲役均與有勞例得並書

萬曆十三年邑人吳

文華又請官帑於撫按屬有司而大治之夫制貴不易典



有攸宜當弘治戊午知縣郭軒更大成殿於明倫堂之左  
後此因之非制也崇禎丁丑諸生孫輝蘭夢龍等僉議請  
於邑令唐廷彥而郡人董應舉力主之時任事者致仕知  
縣陳國璧太學生吳維陞等遂移先師廟於西明倫堂於  
東東西二廊爲齋舍廟前東爲名宦祠西爲鄉賢祠蓋廟  
制於是乎一正迄於

國朝順治間游經兵火廟堂學舍尤失其故教諭王陞訓  
導陳台臣以學田資興禮義二門欲大加工猶未逮焉康  
熙元年訓導施鴻廼爲倡修之議而諸生陳九萬楊軾等

連江縣志

卷之十一

廟學

三

殫力襄事閱二載而報竣

交廟紀事云鴻以順治十八年六月至連江時兵火之餘文廟

腐朽薨棟欲折兩廡門壁四向垣墻皆毀馬羊成群行人自東南穿文廟北出若通衢然由廟後循行啓聖祠尊經閣則荒蕪在草莽中爲狐鼠窟穴愀然憂之春秋書世室屋壞公羊子曰世室壞何以書譏何譏爾久不修也鴻官訓導屋壞不修獨無譏乎因循閱歲有志朱逮俄而東西廡爲風雨拆去數間殿前簷角落鴻懼益甚集庠之耆宿與議皆曰調遷之後士人餬口不給兼以物價數倍支給恐難復因循者數月已而諸生楊軾論山藏墩民使以磚瓦助爲請邑侯免其雜徭鴻喜甚又諸新進之士例應燕會通庠者計其費令出銀若干兩遂以今春二月二十六日召匠先築四周垣墻補門壁之破壞者使可鎖鍵收貯然後採買材木挑運灰瓦次第舉工焉時諸生捐助者得十之三四越七月十一日遂重新廟堂兩廡暨櫺星門戟門皆就工東而明倫堂暨學門損者更之缺者補之惟啓聖祠尊經閣工未舉而資不繼有諸生陳九萬者慷慨任修啓聖祠而鴻與諸同志乃議修尊經閣總前後凡十閱



月計工九千餘用銀二百一十四兩有奇乃克告成是役也量工較費經紀無虛耗者首事陳九萬陳璧之力也而陳蓋瀚楊承鏞鄭勳陳啓輝黃石吳濬達陳汝霖陳承宰或監役或勸助皆與有力焉至倡率戒董則鴻實親之此則通邑所共知而其後乙卯卒爲颶風所拔廟之前後左者鴻豈私言哉

右俱圯無存矣丁巳知縣徐甲第會紳士吳駿等議而明

倫堂兩廡鄉賢諸制復興

教諭富懋業記云康熙十四年乙卯秋狂颶爲災連文廟之西

廡暨明倫堂儀門鄉賢祠同日傾圮浦城詹君東旭攝篆旁皇久之邑侯徐公甲第慨然以修復爲已任遂首捐百金同詹君鳩工庀材旣勤樸斲不遺餘力而於儀門未遑也司訓崇安周君步新復多方區畫構而成之余最後至見夫櫺星雲牖廣祀高臺次第具舉幸得從諸君後補葺之粉飾之蓋自是肅豆籩崇灌獻偕諸子講業習禮於其中入門升堂視昔尤盛矣嗚呼天下事美成在人有其倡之則莫敢諉也而固難乎其倡也踵事增華烏革翬飛燕

連江縣志

卷之十一

廟學

十三

飲以落之吾盡吾職焉耳工旣竣諸士以大典聿興屬余爲記因不敢辭是役也始於丁巳十一月成於壬戌五月經營之力凡閱五載其董役紳士則有吳駿楊承鏞吳駿聲鄭勳周斌游光龍陳汝霖章明訓並勒諸石以誌盛事至甲子之歲重修學宮而習舍七間咸飭者興於知縣王仁灝襄於教諭富懋業而楊承鏞陳九桂等皆服其勤已丑年葺治更新復創義路禮門環前後爲屏牆教諭王守謙率之而吳沛達等襄厥事也雍正乙巳丙午頻罹水患宮牆決於洪流知縣張兆鳳劉良璧屢加修葺又鄭香孫澄等共成之也言乎崇聖祠則建於嘉靖之十三年知縣李蘭尸厥功崇禎丁丑移於稽古閣之旁康熙甲子楊承



鐸等又重建於今地乃稽古閣之舊址也言乎文昌祠則

天啓壬戌建而丙戌燬於火及康熙乙巳尊經閣成寄文

昌於閣上

施鴻綸廟紀事後畧云文廟兩廡倫堂諸工竣鴻遂有羅川委署之行諄諄以啓聖祠囑陳子

九萬而尊經閣則未遑也蓋連士日瘠諸興作工費或搜括公銀或求本縣免役漸而廣之一費辨乃議其繼不敢

并工齊舉也乙丑三月返自羅川視啓聖祠工已葺方喜陳子之不負乃議治尊經閣吳子濬達者癸卯經魁也首

呈本縣免東塘墩雜差兩月約公費銀若干兩又有潘渡船租舊係紳袍公物吳子暨陳雲見諸春元亦義捐爲公

費於是相材度工片板隻椽皆新購也至丙午夏閣始可登高朗四眺玉華鼎石之奇若比肩東北平疇數十畝稻

孫青青遠秀於夏月最宜而文昌帝君寄祠於東嶽門側牛馬踐穢不堪鴻議暫奉祠於閣皆曰可遂迎帝君祀於

閣上夫天下事無不可爲始鴻與諸生舉事勢極難意中規畫得文廟功成卽已既又新啓聖祠尊經閣紅牆兩廊

連江縣志

卷之十一

廟學

十四

亦浸浸及之初念不到此也鴻最拙惟一誠而祠之重建耳若才與誠濟功將十倍是在後之君子哉

則庚戌也乙卯又圯於風甲戌乃改建鳳凰池之後第其

制卑庠行者肩椽辛丑又改之增高五尺規模宏敞而吳

如臯鄭孔錫吳鵬舉謝殿舉周夢采均有勞焉言乎泮池

則寶祐三年知縣陳沆始鑿於戟門之外邑人常挺記之

記云邑學舊有泮池於學之外非古制也陳侯沆蒞茲邑學政具舉乃遷池於學門之內增而大之比舊三倍中造

橋以行池長五丈廣十餘尺深六尺糜錢四十萬時公帑赤立侯勇爲之悉出已俸經始於寶祐三年仲冬次年仲

春甲戌訖工侯清漳人也北溪先生姪孫自號石溪云

易代汗塞厥形爲方嘉靖三

十九年司教劉元等鳩工改造爲半月池

訓導胡樂記云古者諸侯之學



謂之泮宮以其半於辟雍也連學舊泮規制宏廓常挺氏已紀石歲久湮塞僅盈數尺厥形為方有戾泮義劉子元莫子由胡子樂典教茲庠相與命工修復之雖廣大弗克如舊庶形制之有合也斲石揀工兩月而工竣再閱歲福州別駕旋齋氏孫翁來署連政視學議及之顧謂教諭許子尚靜曰斯古制也復之固宜爰命樂叙而記之 崇

禎丁丑乃移而出之其後又移於明倫堂儀門之前則康

熙庚午年也此舊制之變遷可考也以觀今制先師廟居

中東西兩廡翼之其前曰戟門門之東曰名宦祠西曰鄉

賢祠戟門之前曰櫺星門外蔽以垣其東曰禮門西曰義

路垣之外為文昌閣閣之前為鳳凰池 池闢於趙宰汝訓

咸淳八年宋宰日隆復新鳳凰池祀魁斗於亭中立坊於通衢邑人孫鼎來記云鳳池之名何昉乎昔謝元暉作鳴珮

連江縣志

卷之十一

廟學

十五

翎鳳池之詩以侈宋杜少陵歌夔龍集鳳池之句以頌唐蓋自魏晉以來坐中書者類以鳳池相誇詡沿是進取之士歆艷於詞氣間為文人佳話嘉定初趙侯汝訓來此製錦一見士友曰昂昂藏藏文采振揚皆鳳凰池上客也學廟向南適有曠所侯闢一榻榜以鳳池日與縫掖論文講道蓋以元暉少陵之所稱頌者為吾徒勗望已卯經始會歲貢二十八人侯與士友彈冠交慶庚辰竣事侯灑筆叙述以寓作成自時厥後盛事沓來擢巍科參大政獵獵奉華由此其選歲深堂圯執政因仍曾未有下軾過問焉者宋侯以眉山名勝春宇襟懷一日會諸生於堂上指額曰昔為此進德者某鄉先達蘇公也是堂之立蘇公能推挽於前鳳池之創何敢不助一臂於後乃捐金召匠卑而崇之故而新之功力所到成於不日嗟乎余不知連之人何以見愛於侯侯亦何以加惠於吾黨哉頃既增桂庄為續食之計茲復拓鳳池為遠大之期既立鳳池而坊於左復建龍津而坊於右蓋侯欲為吾儕作氣凡我同志盍體期待之盛心勵遠大之器業他日入中書而遊鳳池其受德於宋者當不下於趙噫嘻桂庄一甘棠也鳳池又一甘棠



也食於斯而充裕居於斯而優游有心者其志諸余懼千載之後寢沒其美斐然成文敬爲之記又林應炎亦有記廟之後曰崇聖祠祠之後爲文山宋嘉定十三年知縣趙汝訓並鳳池而作以振文運寶祐二年常挺增之至雍正癸丑知縣袁本濂又加培之也文山之左右有二池一曰文一曰武亦開自有宋及

國朝歷久就堙乾隆己未知縣戚焱言又濬之也廟之東曰明倫堂又東曰土地祠堂有儀門門外曰泮池堂後爲教諭廳廳之左有傅公泉宋淳熙十五年知縣傅伯成之所鑿也堂之東曰訓導廳舊制西向雍正甲寅爲大風所

連江縣志

卷之十一

廟學

六

壞乙卯因學田所入之緡面南構之而司其出納者吳樹檟也此其制之存焉者也其地存而蹟非舊者廟之西曰

郭公祠

雍正二年新  
建節孝祠

東有亭嘉靖間縣丞陳瑞所建鐫聖

諭心視聽言動五箴於碑曰御製敬一亭明倫堂之東曰

射圃

雍正二年新  
建忠義祠

戟門之西曰省牲房此皆自乙卯颶風

以後未有興之者矣且卽其存者黽勉營修至乾隆丁巳狂風颶颿文廟兩穿前楹蟻毀昔所補苴復損其四五戊午而訓導陳鵬南捐銀二千四百餘兩凡廟堂祠廡一切大振之翬簷藻井鴛瓦蜃灰樸斲塗墍功必盡善又更垣



牆以石翼明倫堂以牆外鑿通溝中鋪石祀皆增舊制所

未備垂永久而可繼蓋煌煌鉅觀也

附中丞題疏畧云臣念陳鵬南居心廉潔

課士精勤糶粟賑飢念閭閻之疾苦出貲疏濬謀水利於民生茲復樂解已囊捐修文廟禮門義路煥數仞之觀瞻芹水泮宮昭百年之美麗此皆涵濡聖化捐貲實出於誠心用能仰體皇衷巽序更新於縣邑急公恐後獎勵宜加時奉

旨特晉一秩申鑒云凡學之道法教而已教者陽之化也

法者陰之符也學宮巍然而諸生散處或以浮夸相尚甚

且終身廟門不入師長弗謁法廢而教弛門牆之麾子雲

能無慨乎昔會稽吳孜捨宅為學太守張伯玉至以便服

坐堂上孜鳴堂行學規伯玉欣然受其罰池館春風退誦

連江縣志

卷之十一

廟學

七

王十朋之句可見立學有方後有作者聞風而起矣邇來

聖天子加意作人廣頒經史而學宮又極整庀士苟去其

故習沐浴於父母之化服習乎師長之訓而經明行修何

必不彬彬如耶道德一禮樂興微吾徒其將孰待哉



學田志

學之有田也以養士也士固陳義自高焦麥兩甕寒菜一  
畦可歌可咏然時有所資則斗升之水亦與清波比漑彼  
貧至無聊則書不得傭錐莫可立殆不無光斬於分鄰爨  
窮乎拾葉者此范文正公掌睢陽學所以月給俸三千於  
孫明復而王格又以郡守陳軒所饋俸三十萬置數百畝  
之田於郡庠者也連自宋嘉祐間建學而田初無有有之  
自知縣曾擬始咸淳間宋日隆又拓而廣之其規約序云  
縣次續食之  
意不續而後預計偕者有齋糧屏屨之慮讀馬子才送陳  
子然西上之序可槩見矣祖宗以崇儒立國科舉得人為

連江縣志

卷之十一

學田

六

盛前輩宦遊所至每創貢莊以續續食之意不忘昔年辛  
苦也今遐陬僻壤有莊是邦文物甲於全閩乃創而未就  
非闕典歟邑計垂罄力不逮心適有楊徹戶絕田業之爭  
不欲照令甲沒入累諭鴻溝以息爭各志全璧而凶訟因  
念私其利於兩造之譁健孰若公其利於一同之賢能靜  
觀先生以掄魁重望膺元戎寄命開闢伊始一帖從申如  
下九霄旋寢睥睨之謀魯齋先生流芳相閱特詣泉臺隨  
賜從申帖而此田益固二先生德於多士甚大於是增撥  
一二逮法之業通莊之舊二歲為錢八十萬四千有奇議  
約鏡梓以垂永久雖然貢士莊田也有貢士心田焉時未  
達也筆耕學耨當如農之有畔一日不可不用其力既達  
也當如沂公之不在溫飽申公之不闕農器存方寸與子  
孫耕一莊不荒矣火牛蝴蝶案將拭目諸公盛事豈徒縣  
次續食之而已咸淳辛未陽至日撰林耕亦有貢士莊記  
時變滄桑其田莫考迄於前明萬曆十三年邑人吳文華  
念諸士膏穎或時無資捐虎頭山田八十畝郡人陳聯芳



記之名其田曰膏穎田

記云學之設以養士也士弗養則無以樹鴻業而佐盛治明興文治

誕敷淪浹宇內吾聞稱鄒魯邦連江閩望邑也學宮在縣治東閱時既久頽剝日甚雖興壞之理固然抑亦無敦教之君子為之修飭而作新之也邑大司馬吳公文華頃疏養家居目擊而咨嗟久之乃請於巡撫黃安耿公定向巡按清江敖公鯤發官帑三百二十金鳩工庀材葺圯聖塤百堵皆新煥然改觀大司馬復割已田八十畝以佐諸生膏穎費於是士之誦者歌者升堂揖讓者既獲安厥攸居且復有所賴藉而飽於道腴君子曰偉哉是舉也翼文運端士習所係非渺小矣邑博士暨諸弟子員林生春華黃生金璽來徵不佞聯記之聯惟士在庠序間譬之良馬在廐必適其閑闔豐其芻粟而後可一日千里否則不竊轡而奔直庸駑等耳士而與庸駑等國家奚賴焉此何以故失所養也吳公雅意作人修學置田織悉俱備夫學者學古志道即使藿食蓬居猶然飭躬厲行以致遠大矧又得所養如是有不勃然思奮者乎正猶騏驥在御王良造父驅之就道將過都歷國不瞬息而可千里也雖然陟岱

連江縣志

卷之十一

學田

十九

嶽者先東山涉滄溟者先震澤諸生誦法孔孟老成前哲固希聖希賢之先資吳公德業名世諸士倘有志於岱溟茲非其東山震澤者歟諸士其勗之其時之徵租儲廩出入資用皆在諸生也

國初山寇焚掠農民逃散田半荒蕪後值承平吳公會孫孔錡族人驤先後招佃開復實丈五十四畝九釐五毫餘雖未墾已徵租九千三百斤而諸生復得沾其利矣無何康熙甲子歲教諭富懋業以重建崇聖祠公費不敷遂倡議以虎頭山田權為學用久假不歸失膏穎之義飽私家之橐士子相顧莫敢發言竊謂沒先賢之德惠莫如此田



之在學師也如是者三任及教諭王守謙將以調去或微  
諷曰田名膏穎非謂司鐸也因悉歸之通庠於是田復在  
諸生矣癸丑議者又謂科歲兩試學師賃車僦屋及院役  
常規皆未可闕諸生宜有助其或不能自謀者卽無以爲  
師謀不若仍充此田以資其用遂記石於學田碑之旁而  
膏穎之田在學師亦在諸生在學師者租入悉由堂齋主  
之此其名也在諸生者省芹脩之費減芻秣之供不必主  
田之數而自收田之利此其實也夫所貴乎通變之宜者  
以其不失作者之意今之充爲歲科費使通邑之青衿者

連江縣志

卷之十一

學田

二十

咸沐吳公之餘澤不亦其利之徧而與膏穎之意初不大  
相悖也乎外此文華又捐筆架山洋門嶺田若干以爲教  
諭訓導養廉之需而更佐之以櫪板學園二十二畝八分  
四釐五毫此其田謂之司鐸也亦宜嗣是康熙二十二年  
總督姚啓聖倡郡縣同心作養捐銀四十兩特置田租於  
是知縣王仁灝教諭富鴻業亦各佐之

王仁灝記云學校所以養士其爲規

制甚詳然未有創制田畝專爲貧生而設者有之自督憲姚公始公少擢巍科歲丁巳佐親王入閩克靖厥亂皇上以公爲能晉秩一品凡總制南服之事一以委公公神謀勇斷旣平兇孽復滅鯨鯢其爲保大之功和衆豐財七德三事次第整舉歸本於學校以敦化源厚元氣豈非吉甫之憲萬邦名公之洽四國歟夫以閩之小醜屢迪弗



靖毋亦起於饑寒無聊之民鋌而走險苟使戮力安家俯仰無憾出聞絃歌之聲入率父兄之教則雖有叛亂之賊其孰能挾之使去也是以公於橫戈躍馬之暇卽鉛槧論文獎進英俊濯磨鼓舞固已培其大矣至於孤寒無告之儒無不時行賑恤而又慮後此無繼之者故有學田之設則纖瑣之末罔弗沾溉辟之水焉高而爲川卑而爲澤高者常流卑者易竭勢有及有不及也公以戡亂之後爲弘仁之德如蛟龍之興風雨雷電勃然交至靈霽百里始若震虢忽而昭蘇無間於山澤高下皆賴其用卽此學田一端亦可以揚扃無窮矣灑承發俸鏹四十金佐以薄俸置田數十畝坐址青塘等處凡爲士若民皆咨嗟感歎是用勒之金石以詔乎後之人世世誦公之德不衰也頌曰昔王養士罔分良楛含氣必育羣生並煦薄俗謂儒文弱易侮孰奮厥猷爲世方虎一雪此言官牆氣吐天挺偉人乃文乃武巍巍科名嶸嶸干櫓仁貸義誅八閩安堵山廓海清洞雲溪雨大亂旣戡文德是輔處農就疇處兵就伍鷹眼鴉音哀鴻鋌麋嶺嶠荒陬莫不綏撫獨念貧生孰資升釜爲置學田以賜終窶庶政之中此其一數衆旣謳歌士

連江縣志

卷之十一

學田

三

當鼓舞鐫之貞珉爲奕世矩屹屹靈臺峩峩天柱滄海可塵公徽萬古

雍正十三年知縣戚

敬言又以大園等租充於學邑中之貧生資焉至於刑部主事鄭霄於雍正十一年捐田租三千斤充學爲諸生助

此亦風之古而可爲勸者也

督學周學健記云 皇清覆

之上儀養土優渥視之前古爲加隆焉余以 欽命校士八閩而省會福郡人才最盛其屬邑連江負山濱海風俗稱淳士皆知學向方觀其應試所構之文奇恣汪洋爲潮翻濤湧渾雄邃密爲疊嶂層峯雖由地靈人傑與沐浴聖化之深要其鄉先生平日相爲鼓勵而培植之者至矣比部丹麓鄭公霄邑產也始令山左定陶入爲秋官屬治行皆有名及致政歸凡其鄉有應修舉者皆躬先指畫乙巳丙午捐貲修整文廟兩董其任桑梓之事知無不爲家居喜與黌士研究理學砥礪風節晚尤厪念士子膏穎乏資遺命置田以勸已而其子宗濂等請之邑令陸君鶴捐



腴田三十畝充之學宮諸生德之戊午秋余歲科試竣邑生孫拱極陳元壯章鴻達等僉陳其事請余文勒石以垂永久余思儒者讀書蓄德豈必有所藉資始自淬勵卽鄭公之意亦豈以張文具爲利祿梯哉顧以學有所成就事固不能無待也蓋士人心有分營則精滑於機智氣奪於誘慕若得一意向學無他務以亂之其必晰道也明而居業也固涵濡薰陶其賢者醇龐博大足以致遠次亦篤中自信不失爲君子斯之有裨於國家詎不偉歟宗濂太學生其弟宗沆子宣綱皆余科試所拔士且廣教化而育譽髦亦學使者所樂與觀成也故於其請也遂不辭而爲之記

抑猶有說嘗聞江陵項氏云古無一民無養者而獨無粟士之廩則其士非爲養也今學田之設固前賢作成後進之盛心而士必共起以趨其利則失其所以自待者矣且合一庠之士不下數百輩以區區百餘畝者鄉給而縣分之其利能幾譬置豆羹於此集饑飽共嘗之飽者無加而饑者未飫有一知其味者乎士誠半壑斷孟甚至自廢藉潤於此曰爲貧耳家則自贍亦曰吾得而公之是適以奪貧者之利而未必其公也無論在諸生與在學師而均無當也於其所必養者別而資之仍量而給之非是則不與無他周急不繼富是固亦先師之教也

學田地畝租穀列後

明尚書吳文華田坐產安中里虎頭山

門前五畝石橋四畝五分水尾一畝四分牛欄三畝苦竹



架卽坑中田畝新開坑門一畝五分又五分又二分年收租

穀三千四百四十斤 佃人曾志遠 宮壠三畝五分大坪三

畝李柏壘三畝石橋二畝年收租穀一千八十斤 佃人陳

文達 又收租穀九百斤 佃人陳則典 牛欄二畝杉坂坑二

畝嶺下四畝五分新開嶺下一畝年收租穀一千四百一

十斤 佃人林德亨 杉坂坑七畝苦竹架二畝門前三分新

開嶺下一畝石橋嶺下一畝石橋五分年收租穀一千八

百二十斤 佃人雷爾良 石橋三畝又石橋五分坑門二分

年收租穀四石七十斤 佃人李子朗 坑門五畝石橋二畝

連江縣志 學田 卷之十一 三

三分揀上一畝新門水洋湖五分坑門路上五分年收租

穀九百二十斤 佃人林德文 又收租穀三百五十斤 佃人

雷仲春 門前魚池坑一畝五分門前路上三分年收租穀

三百五十斤 佃人楊泰生 坑門四畝年收租穀五百七十

斤 佃人蘭日安 嶺下三分年收租穀三十斤 佃人雷登五

嶺下五分年收租穀六十斤 佃人雷振奇 石橋一畝嶺下

水尾一畝年收租穀二百五十斤 佃人雷爾選 新開嶺下

五分年收租穀五十斤 佃人許富翁 牛場三畝年收租穀

三百斤 各佃人勻納 外又年收山租炭三十六擔柴四十



擔

國朝主事鄭霄田坐產馬頭樓益砌墩金斗樓等處

金斗樓土名枇杷墩老樓土地前溪仔邊共受種三斗五

升年收租穀九百斤

佃人藍朝美

馬頭寮土名磨石崗對

面墩共受種三斗年收租穀六百斤

佃人藍日達

又土名

厝後對面墩共受種二斗五升年收租穀五百五十斤

佃

人藍日貞

又土名桐子壑梅花墩共受種二斗五升年收

租穀五百五十斤

佃人藍志長

益砌墩土名山墩嶺下共

受種八斗年收租穀四百斤

佃人柯萬年

連江縣志

卷之十一

學田

三

吳文華教諭訓導養廉田園坐產筆架山

一土名

受種

畝

分零年收租穀一千七百五

十斤

佃人陳尊典

洋門嶺田土名管壠受種

畝

分

零年收租穀九百三十斤

佃人張以挺

撫坂園二十二畝

八分四釐五毫原租銀三兩正雍正四年被水漂流過半

今只納租銀一兩正

佃人黃章卿

黃振寰充田一號土名山下洋受種一斗年收租穀一百

二十斤

佃人莊君騰

張朝聲充田一號土名洋門埔邊受種二斗年收租穀二



百八十斤 佃人黃仲甫

林明羨充田一號坐產賢義墩受種三斗年收租穀三百

二十斤

佃人盧允權二百斤  
李奇開一百二十斤

吳德京德信充田一號土名過塘受種二斗五升年收租

穀三百斤

佃人陳君登

邱承禧充田一號土名南塘受種三斗年收租穀三百六

十斤

佃人李啓中

薛英充田一號土名白尾洋受種一斗年收租穀一百五

十斤

佃人丁時仲

連江縣志

卷之十一

學田

三五

鄭昂充黃家墩厝屋一座年收租銀一兩正後因損壞欠

租於康熙五十四年與張文久抵對田畝土名珠寶堂受

種二斗年收租穀四百斤

佃人陳國璧

林賢宜充田一號土名九天壠受種一斗年納租銀一兩

廣的制錢八百八十文

佃人劉達九

張盛充園一坪坐址東門外土名水關兜年收租銀八錢

正

佃人林仲材

蘭氏充園一坪坐址北門外年收租銀四錢正

佃人陳汝

凱



傅如兆充田一號坐產青塘墩土名竹仔壠受種一斗年

收租穀一百斤

佃人黃道輝此號今撥與學書收掌為紙筆之資

國朝總督姚啓聖給貧生田

價四十兩買田九號原租穀二千二百斤抵換後浮出二

號共租二千二百一十五斤

一買游雲若田三號土名湖下小櫃二畝二分三釐三絲

年收租穀三百七十斤

佃人黃敬招

又小櫃二畝一分二

釐五毫五絲年收租穀四百三十斤

佃人莊一長

毗屯門

前二畝二分六釐四毫年收租穀二百八十斤

佃人張養

中以上田游家原買於孫爾綬未經斷契後孫姓贖回游

連江縣志

卷之十一

學田

三六

將已田五號抵換坐產青塘墩畝數租額相當備載於後

赤蘆八分六釐四毫三絲七忽民米五升三合二抄受種

一斗零年收租穀一百四十五斤

佃人黃文泰

井尾九分

五釐五毫二絲民米五升四合二勺五抄一撮受種一斗

零年收租穀一百五十斤

佃人陳以擢

堂後墩八分八釐

八毫一絲民米四升五合六勺一抄四撮受種一斗年收

租穀一百五十斤

佃人高長輝

進走坵一畝七分八釐八

毫民米一斗一合二勺二抄八撮受種二斗零年收租穀

二百八十斤

佃人黃尚爵同弟尚遠

又進走坵一畝九分



七釐七毫民米一斗二升二合二勺八抄三撮受種二斗

五升年收租穀三百七十斤 佃人黃尚績  
今男朝安

一買楊仲熙田二號河頭洋土名籃下一畝一分九釐民

米六升七合五勺八抄六撮年收租穀一百六十斤 佃人

陳用聰今  
劉惟祥 澄巖墩梅模墩一畝二分七釐六毫民米七升

八合二勺六抄九撮年收租穀二百斤 佃人陳世登

一買鄭文田一號坐產赤嶺土名塘墩一畝八分五釐九

毫七絲民米一斗五合六勺三抄一撮受種二斗五升年

收租穀三百五十斤 佃人鄭全  
今林資宸

連江縣志 卷之十一 學田 三

一買黃君贊田二號南灣洋土名路下一畝一分一釐六

毫民米六升三合四勺受種一斗五升年收租穀二百二

十斤又南灣洋土名紫埕五分九釐九毫六絲民米三升

五合九勺三抄一撮受種五升年收租穀八十斤 佃人俱

朱長

一買林盛田一號南洋土名石八分一釐二毫民米四

升五合受種一斗年收租穀一百一十斤 佃人林貴  
今林祥

知縣王仁灝給貧生田 價十兩買游子馴田三  
號共租穀五百七十斤

慶一圖土名紫埕二畝五分八釐五毫六絲民米一斗三



升二合七勺九抄六撮受種三斗零年收租穀二百九十

斤 佃人胡廷鵬 慶二圖土名三胶溪一畝三分九釐三絲

民米六升七合二勺四抄七撮受種二斗年收租穀一百

八十斤 佃人鄭振乾 又慶二圖土名塘仔洋八分一釐六

毫七絲民米四升一合九勺四抄七撮受種 年收租

穀一百斤 佃人胡茂松

今胡世典

價十兩買

田一號

教諭富懋業給貧生田

上斗門土名蔴芝洋二畝六分七毫五絲民米一斗一升

二合零受種三斗五升年收租穀六百斤 佃人林廣

連江縣志

卷之十

學田

三

知縣戚崧言給貧生田

共三號計租穀七百斤

大圍小圍共二畝零年收租穀二百斤 佃人陳孟曾 又大

圍洋一畝二分年收租穀二百斤 佃人李興燦 又辰山大

圍一畝八分年收租穀三百斤 佃人黃武中



文廟歷代崇祀志

溯自開闢以來聖人多矣而垂道法教及萬世莫如孔子  
三代而降王者繼作莫不體君師之責以率迪下民則必  
推原自始而報德報功無盡焉天地終古不息道教終古  
不湮聖人之祀典亦日有加隆而終古不替昔梁菱山頽  
詎惟是吾徒感安仰哉天不慙遺俾相余位惟誅有詞已  
悼茲一老而知其道之可用矣於時立廟舊宅置卒以守  
實爲肇祀之端及秦滅漢興高祖過魯祀以太牢以天子  
致敬修禮於儒宗也自漢高始也厥後武帝表章六經而

連江縣志

卷之十一

文廟

三

孔子道益尊元帝則祀孔子食邑八百戶封其後爲關內  
侯至光武之代亦命以太牢祀而七十子皆得與焉孔子  
後之封爵與其徒之從祀皆在漢世蓋聖人之澤遠矣章  
帝過魯親祀孔子及七十二弟子於闕里作六代之樂大  
會孔氏男子六十三人賜以錢帛尤加意孔僖有郎中之  
拜從還京師和帝則加孔子封爵方元始初年已謚爲褒  
成宣尼公至是易稱褒尊侯靈帝紀綱已隳然猶於孔廟  
重享禮置鴻都門學畫先聖及諸賢像後世畫像以祀所  
自來也及魏世詔起舊廟仍設卒守正始七年令太常釋



奠祀孔子於辟雍配以顏子此顏子配享之始而先是祀於闕里及此亦初爲太學之祀並行釋奠禮焉晉武之世釋奠中堂以顏子配四時魯國皆有祀旣而釋奠太學皇太子親之皇太子釋奠太學始此宋高永初詔修墳廟元嘉時裴松之議以謂太子釋奠當舞八佾設軒懸之樂於是始樂用軒懸矣北魏道武至鄒山亦祀以太牢孝文太和間親脩謁拜禮拜孔氏官四人顏氏二人仍選諸孔宗子一人封崇聖侯命修其墓改謚文聖尼父文成間詔有司薦享宣尼廟自是有廟之稱後世有司之行薦享蓋亦

連江縣志

卷之十一

文廟

三

由之北齊天保間詔釋奠以春秋二仲禮用三獻每月朔祭酒領國子太學諸生皆下拜此又三獻及月朔行禮之始梁元帝自圖聖像益之以贊其於聖人之道尤莫罄形容迄隋文開皇中贈爲先師尼父其釋奠也國子學以四仲州縣學以春秋二仲由此有司並稱釋奠而春秋之祭有其期貞觀初從房立齡之請尊孔子爲先聖顏子爲先師配焉復詔州縣皆立廟以祭并配以左丘明等二十二先儒自是有從祀者旣又親行釋奠禮及後定制國學初獻以祭酒亞以司業三以博士蓋後世國學遣官釋奠



始此而州縣之祭亦得以守令主焉高宗初贈孔子太師  
總章元年贈顏子少師曾參少保時始進曾參配享之列  
以其得聖道真傳亞於顏氏故也玄宗封禪還幸孔子宅  
親奠遣使以太牢祀墓置守衛蠲子孫役後又追尊曰文  
宣王服袞冕如王者諸弟子贈爵公侯伯樂用宮懸舞八  
佾祭之期以春秋二仲上丁孔子追王春秋之祭以丁皆  
於是始可謂極茲崇報矣五季之亂世教乃衰然以周高  
祖之暴也猶知爲百王取則奠廟拜墓悚息欽瞻非聖人  
之道足以深入人心何以至此宋興章儒術以開盛治立

連江縣志

卷之十一

文廟

三

十六戟文宣廟門親爲贊太平興國中免孔氏子孫庸調  
以孔宜襲封文宣公眞宗謁廟行展拜禮仍幸孔林加謚  
至聖文宣王追封其父叔梁紇爲齊國公母顏氏爲魯國  
太夫人伯魚母开官氏爲鄆國夫人於是父母皆有封而  
推本所生禮斯絕焉後又加宣聖冕服九旒九章桓圭用  
玉賜子孫田及銀幣皆於前典有加仁宗卽位三幸太學  
必再拜改封孔宗愿衍聖公神宗元豐詔封孟軻爲鄒國  
公與顏子並配周末邪說橫行軻獨發明孔子之道得不  
息以傳乎無窮功莫大則其配固宜哲宗初釋奠於學



一獻再拜後凡賜田者三用舊法勅守廟戶徽宗攷正廟儀冠服旒用十二服惟九章圭以鎮廟戟以二十四皆如王者之制頒圖式於天下又封孔鯉泗水侯伋沂水侯端木平二年詔躋子思從祀謂能述心法以開孟氏之先故得進而配食於上因是四配之位以定未幾南渡孔氏以族如衢高宗賜孔玠田以祀幸太學恪恭灌獻製文宣王及七十二子贊刻之石當播越初定邦家新造亦務以文守之如此理宗尤崇儒教至度宗時謁孔子行釋菜禮以顏曾思孟配升顓孫於十哲典禮皆未衰金天眷三年詔求

連江縣志

卷之十一

文廟

三

孔子後以孔璠襲封衍聖公大定中加聖像冠服其章旒並十二顏孟以九陳奏歌樂如開元禮若夫當祭之變常服則始自元方世祖時中書省言祀先聖之禮一視王者而二丁當祭執事者宜具公服執手板致敬從之其後遂爲制京師未有孔子廟至成宗之世初建廟成釋奠牲用太牢歌用登歌又勅天下凡到任官先詣聖殿而後以次詣諸神武宗則加封孔子爲大成至聖文宣王遣使闕里祀以太牢文宗至順初加封孔子父爲啓聖王母爲啓聖太夫人顏曾思孟皆加公爵蓋孔子父母及是復有加封



之典也太元延祐每遣祭必手香加額授所遣官如其躬親何非竭誠敬於大聖人靡有弗至者歟迨夫明代太祖以武定天下身所經歷之地皆先謁孔廟洪武初年卽制丁祭禮定三獻之官丞相初獻翰林學士亞獻祭酒終獻又遣使祭闕里捐賦給役用儒臣議禮物祭器樂章舞數視前世加釐正雖暫罷孟子祀旣而復之謂是孔子之道賴以發明者也文廟成以太牢祀立神主不設像親視學釋奠頒其儀下郡縣學作爲大成之樂命春秋當祭成奏諸典禮秩如成祖初卽位卽釋奠太學服皮弁禮行四拜天子之釋奠四拜

連江縣志

卷之十一

文廟

三

則成祖始之嗣是列聖改元必於闕里有祭擇諸臣之勝任者往焉正統三年禁祀孔子於釋老宮令祭物非所產者以所產代鹿兔以羊榛棗以上果景泰間從太常請增祭品成化元年視學始加牲用樂後諸儒臣議有欲加孔子帝號者有欲改稱神聖廣運帝者夫師之爲體莫尊焉宜不以爵重而稱帝之議當炎宋時旣有以禮折之而止者矣神聖廣運堯之稱也非所以稱孔子且如其說則何不世祀堯時鄒幹駁而正之是也而猶增八佾十二籩豆此朝廷尊至聖之意以爲如是而後盡也弘治元年以尚



書王恕奏準藉田禮釋奠加幣三獻後闕里災遣學士祭告命撫臣建廟廟成親製碑文又釋奠太學名衍聖公及三氏子孫聽講賜衍聖公袍帶班一品上示不臣之意加公弟翰林五經博士以承子思凡孔氏推恩皆殊等正德繼之亦以視學遣使取三氏子孫至京觀禮洎夫嘉靖改元輔臣張璁始議正祀典說多本於宋濂吳沈邱濬諸人而稍推擴之濂之議畧謂遷神南面設塑像皆非古回參伋坐堂上其父列食兩廡間非不先父食義大成樂襲用漢魏雜律爲亂世之音沈濬之論以夫子作春秋削僭王斥子路以門人爲臣爲欺天必不欲身爲王文宣大成諡皆不稱由是請改大成至聖文宣王爲至聖先師復聖宗聖述聖亞聖四配並正其號先賢先儒各殊其稱籩豆舞佾咸秩其等設木主罷封爵改大成殿爲先師廟別立祠祀叔梁紇稱啓聖公以無繇黜鯉孟孫氏配稱先賢程珦朱松蔡元定從稱先儒其他多所釐定斯誠不飾不瀆可爲得禮之中歟我

朝乾坤重造文治聿新敬共先聖度越千古

聖祖巡省東國謁祀闕里



御製聖贊律詩及四子贊又

親書萬世師表扁於廟

命天下學宮遍立之太學釋奠外不時遣官致祀

詔勅郡縣二丁之祭悉用樂設樂舞生百餘人如洪武舊制

世宗雍正初年命天下有司大新文廟所在宮牆並瞻巍煥

親書廟額曰生民未有爲聖德表章而又追封五代並祀崇聖祠昔天啓元年御史董翼疏言孔氏配享宜優於諸連江縣志

卷之十一

文廟

三五

賢防叔伯夏宜與叔梁紇一體追封奉祀時方多故不及行

聖代採用前議而更進之推及防叔以上從古追尊之禮未有若斯之隆也闕里廟焚發帑遣官修建一準宮殿制度工竣

特命皇子致祭仍

御製碑文昭垂永遠越二年

詔諭東魯凡聖裔在闕里廟中助祭者

命衍聖公分別簡舉賜四品以下爵服以光祀典



今上御極特命國學文廟易蓋黃瓦增廟額曰與天地參  
御書頒賜天下凡郡縣學視爲式所謂報德報功者豈不  
爲極盛之數哉夫聖人因時立政救弊扶衰皆足延其祀  
顧或量及十世或量及百世其道常有所止功德至孔子  
乃千萬世爲昭在天則日月之經在地則江河之行在人  
則道法之立三者同其運焉者也俎豆之馨宜永永天地  
間乎

連江縣志

卷之十

文廟

三